

於頁反嚼才約澡漱二字音屏除上音除殄
與同下徒反糜反澆反厨饌下時嗤嫌反娉反
正音蔬反食反暇反詢反憩息反媵反

根本說一切有部毗奈耶雜事卷第二十二 禮二

唐三藏法師義淨奉 制譯

內攝頌曰

樓上逢增長 姪女夜觀星 因作馬鳴聲

商人抱枯骨

尔時猛光王住盟逝尼城此有長者娶妻未

久留在本宅自為與易持貨他方其夫去後

妻恣衣食煩惱增盛遂昇樓閣遍觀男子於

日日中瞻望不息後於異時其猛光王乘妙

香象於宅邊過女人既見生欲染心便以花

鬘遙擲王處墮王肩上王即仰觀見有少女

顏容端正光彩超絕左右顧眄自謂無雙王

既見已知彼染意報言少女若有愛心何不
 暫出荅曰妾是少婦無緣得出王若顧念可
 幸達門王心被惑不能前進即便下象步入
 其舍歡悅既暢即便有娠智慧女人有其五
 事一知男子有欲心無欲心二知節候三知
 受胎時知是被人胎四知是男五知是女遂

白王言王今知不我已育娠時王即以上真
 珠瓔付而告曰必若生女任尔自收如其是
 男與此瓔珞當送我所女人敬諾王便捨去
 後經數月娠相外現時彼舊夫書來告曰汝
 可安隱我望不久當至本鄉女人聞已生大
 憂愁遣使白王我已育娠舊夫將至今欲如

何王遣信曰汝可寬懷我有方便令彼不來
 女便默尔王與彼信我今要須如是之物汝
 可遠向某處求來既涉長途奄經時歲女人
 月滿便誕一男容貌可觀當代希有天將欲
 曉即以酥蜜盛蒲口中箱安輓綿抱兒置內
 白毳通覆上絡珠瓔密合其類朱條急繫紫

鑲印上報婢使曰可持此箱至王門所淨拭一壇箱置於上并安燈火在一邊住有人將去汝可歸來使依教作時有衆牛隨路而出行至箱所圍遶不進時猛光王與安樂夫人在高樓上望見群牛遶箱而住命使者曰汝觀門外何意諸牛群聚而住使者曰門有一箱絡以朱條紫鑲封印王曰汝急將來夫人白王箱中之物王當與我王言隨意使者持箱既至王所即便開印乃見珠瓔及以孩子王識珠瓔報曰此是我兒抱付夫人云是汝子夫人得已即呪願曰願兒長壽今此孩子與作何名王曰有福孩兒被牛所護應名牛

禮二

二

盟逝尼國王名猛光彼亦豐樂安隱花果不絕與此不殊彼有商人來至於此王遣喚來既至具問聞其富盛王生嫉心報諸臣曰君等嚴兵我欲伐彼其王即自親整四兵向盟逝尼國漸至彼城侵掠無度殘暴非理人不聊生猛光大王既聞賊至亦嚴四兵出相拒戰猛光不如兵衆分離遂騎單馬逃向餘處至荒野外見一耕人名曰增長躬自犁作王觀容色有異餘人即問言汝是勇健壯兒頗曾聞道有圓勝王與猛光王戰猛光大敗知此事不荅曰我聞此事未知虛實荅曰不虛耕人亦不知此人是猛光王便報之曰猛光王身居本國彼是客來遂被欺凌隨處逃竄謀臣猛將何所用爲王若比來以我爲爪牙者即以長繩繫圓勝頸曳入城中言話未畢婦來餉食縫葉爲器夫即洗手將欲就食顧盼王曰雄猛丈夫略觀形勢似有飢色我貧窮者有此鹿食必不相嫌幸當同味時猛光

禮二

三

王尋作是念我若不食飢取命終即便下乘
取替脊坐洗手足已一處同食其婦便以缺
緣瓦盞酌酒令飲王作是念雖知盞缺於不
缺處我當飲之王有智策善閑時務復更思
曰於不缺處我若飲者或恐被人云相欺慢
我今宜於所缺處飲令彼於我深生愛念是
時耕夫自於破處先飲辟毒以過與王王既
得已還於破處而飲耕夫念曰此大丈夫情
無間隔我缺與飲同處飲之我今宜可深生
敬重令其交道久而不喪如是念已報其婦
曰賢首此大丈夫是我得意親善知友亦可
將去至本貧家以油塗身湯水沐浴為設飲
食馬須好食恣其水草婦遂將歸如言皆作
情懷莫逆供給所須于時圓勝王有餘小國
名曰渴沙來相抄掠侵漁百姓時諸大臣作
書告王具論其事願王善自思量於其書末
并為頌曰
如王於他國 勤勞降伏彼 於已之國土

亦當勤守護

時圓勝王讀其書已作如是念我若領兵歸
本國者諸人皆謂我被他降逃還本邑我今
宜可共其和好方歸故居遂令信入報猛光
王乃曰知識事已去者更不可追宜暫出來
希欲相見自餘勝負並不須論望得促膝交
襟共申莫逆事同平昔我方歸故城內諸臣
得其信已共作是議若報王無彼定欺我宜
設方便且答時情裁書報曰知識既解來封
篤好情深事雖實然能無猶豫兩國同聚各
致狐疑雖逆來心我無違出然此太子名曰
牛護是我所生今出相見共申歡意隨情去
留是時即令牛護出見圓勝歡懷共盡遂解
兵圍旋於本國時猛光王諸大臣等共相議
曰他方怨敵已如雨散自己國王急當求覓
四方遠近馬使追尋時猛光王聞彼圓勝抽
兵已去便報耕人增長曰我今除怖辭汝言
歸尔若入城當過我宅答言大丈夫仁之名

禮二

四

諱我亦未詳如何後時相訪過宅王曰誰復不知我所住第汝入城時應如是問多馬人家今在何處作是告已驟轡而行至本城門報守門人曰汝今應知若有人來問多馬宅者可將見我遂入宮中後於異時盟逝尼城有大節會遠近諸人皆湊城邑時耕夫婦報

其婿曰今日城中有大節會我今亦往觀衆聚集并復因便問多馬家夫言賢首凡諸豪士豈可言皆有實當於三處能見其人一謂被他戰破二謂他所欺凌三謂身爲人主喪士家國餘何能見妻曰彼雖難見應觀聚集夫妻即去至其城內耕夫念曰我試問之告

守門者曰咄男子多馬人家住在何處時彼門人聞其告已遂執夫妻送至王所王纔遙見尋便驚歡喜唱善來復更告曰增長汝何得至荅曰故來奉覓增長見王坐師子牀諸臣輔翊既未善識然念于懷不委何辜拘執至此王知有疑欲令憶故即便離座脫去天

冠王先聞額增長既見憶識其容夫妻一時俱拜王足時王即便盛興儀式引入後宮洗沐香湯著妙衣服方丈甘饌百種千名王自親臨觀其所食食罷近就上妙宮闈綺帳芬芳適時安寢王勅內官曰此是我父母凡有所須飲食衣服及以卧具奴婢僕使悉皆供

禮二

五

給時猛光王恭敬彼已人皆恭敬王子大臣內外士庶無不敬重耕人增長既見非分恭敬供養滿七日已情懷媿慙前白王言我今奉辭欲歸蓬戶王曰汝今住此共我治國增長荅曰我是耕夫寧知國事王曰汝豈不云我若得作國大臣者即以長繩繫圓勝頸牽入盟逝尼城今乃方云我是耕夫不堪王事宜應且住勿念還家彼便默尔王遂強立爲國大相創爲宰輔供膳尚鹿後於異時王因問曰汝今好不荅曰朝食尚乏好事安在王曰不須憂惱即當令汝衣食豐盈時王即告五百大臣曰卿等宜應供給增長

是時諸人共出衣食既增養活因此時人號

為增養

從此已後
改名增養

時王問汝得好不荅曰衣

食雖精然朝官大臣並相輕賤何有好耶王

曰若如是者宰臣聚會評論之時汝往其中

無敢輕者荅言大王我是耕夫敢狎朝貴王

曰汝但赴集我令彼敬彼便默尔後於異時

因有朝會王意欲令宰貴諸人敬增養故方

便為問今於國中現有如是不安隱事卿等

如何令其懲息時有大臣作如是議若作斯

計方能除殄王言不可次有諸臣各呈異見

王皆不可乃問增養曰此欲如何荅曰若作

如是計方能銷滅王對諸臣遂然其策將為

當理諸臣見已各生是念增養出言王皆信

用此亦不應共為輕侮後時王又問增養好

不荅曰在處尚無餘何能好王告諸臣卿等

宜可與增養覓宅臣曰有某大臣今已身死

所有妻妾奴僕之類住在宅中王曰可將此

宅及妻子等并餘財物咸賜增養既得宅已

問增養曰比得好不荅曰家中人眾以我耕

夫咸生輕慢王曰若如是者汝洗浴時我令

使喚汝作是語待我洗浴訖當去見王增養

白言如何我得違大王命王曰是我所教誠

非過咎又汝欲食時我令使喚汝應荅云待

我食了禮二自當往見正汝食時我到汝宅與汝

同食荅言大王我今豈敢與王共食王曰我

許非過如是作時彼皆恭敬增養聞命便往

宅中及正洗時王令使喚云有急事汝可即

來使至傳命增養報曰待我浴了方去使者

去後宅內諸人相與言曰今此宅主見拒王

命自生高慢即招殃禍又相告曰非宿貴人

少得勢時便生傲誕家人又曰姊妹當知諸

昇高者必當墮落此人今日定遭王戮事乃

不遲既洗沐已不赴王期即便就食王復令

使報云有事宜可急來雖聞王教報云且去

食罷方行使去報王王既聞已自乘大象至

彼宅中間言增養汝今欲食荅曰欲食王曰

不請我耶荅言奉請宜可就養宅內諸人共相謂曰我之家長與國王言戲事若平懷各生希有舉目相看時王即便淨洗手足一處同養宅內居人見是事已悉皆戰懼互相謂曰我比輕賤此是耕人今者同觀與國王共食又共議曰知欲如何王既共養事難輕忽我等從今不應致慢若不敬者定招禍患衆然其語共生敬畏

王於異時又問好不荅曰有一大臣是王親族常欺罵我寧有好耶王曰我若作言斯成有礙至於進退汝自當知荅曰我所作者願王不責

礼二

七

王曰我無恠責增養異時隨路而去見二童子貧無親屬持彈并丸在道而戲時有婢使頭戴水瓠在傍而過一童子曰我以乾丸彈瓠作孔一人又云乾丸作孔此未希奇我彈濕丸而掩其孔此成奇事既共議訖即以乾丸彈令作孔次彈濕丸掩之令合于時增養

透見其事情生希有便作是念此二小童可令助我伏彼王親屏除怨罵問二小童曰汝是誰家子荅曰我無親族隨時活命報曰若余可於我所共汝爲活荅言隨命既蒙收採問曰我更何爲荅曰汝但習彈後若見人與我鬪諍當以不淨塗丸彈於口內荅言我能

後時與彼王親共諍競童子即以穢丸遙彈口內彼便吐出以手掩口急走出外因斯耻辱更不相凌王復問言汝得好不荅言王之內人以我耕夫並生輕賤王曰若如是者我入宮時汝來門所問言王在何處若言在內汝可語言萬機之務棄而不知鎮處後宮何能辦事又若見我在內住時汝於側殿在我牀上垂脚而眠我自出門爲舉足令上荅言大王我豈二頭令王舉足君臣位別高下殊途現阻人情豈有斯理王曰是我所愛汝復何憊如是作時中官於汝不敢輕慢彼便默尔後於異時來入中官

問王安在隨王言教次第皆作乃至王舉足
內人見時皆不忍可欲致凌辱王言汝莫是
我所愛此有何辜然相謂曰共見此人受王
愛念我等不應更爲輕慢王若知者於我加
刑從是已後悉生恭敬

王於異時問言好不荅言今時得好其猛光
王性愛女色與諸少年在高樓上談說世事
因告之曰汝等頗知何處都城有好美女有
云曲女城有或云出地蓋城中有云諸餘城
國且未須論於此城中有賣色女名曰善賢
容色端嚴世所殊絕如天姝女在帝釋宮亦
如日光映諸星宿王聞是說倍悅常心迷惑

札二

八

失所情希就見即於其夜脫去御服著凡庶
衣自持五百金錢往善賢舍彼女見已歡唱
善來報婢使曰與此丈夫沐浴清淨婢即依
教爲其洗浴揩摩身體時有一人復持五百
金錢來詣門首報言我欲來宿然此姪女常
法如是後有人來殺前至者與後同歡是時

婢使見猛光王容顏可愛與凡庶不同即便
落淚作如是念此人豈非刹帝利種儀貌端
正舉世無雙如何姪女起罪惡心非理枉殺
彼所零淚落在王身王即仰觀問女何故忽
然淚落荅言無事王有疑心頻更研問汝當
語我此必有緣彼遂次第說其所以王即問
言少女我已失計頗有方便得走出不荅曰
此舍四邊有人持劍共相警衛走出無由然
有出處極成穢惡亦何用在言王曰隨好隨
惡可指其處我命須存荅言某處容可走出
然是廁孔釘以鐵釘若能拔得斯爲走路王
言汝行指處我試拔之女指其處王投身下

拔廁孔釘雖勞筋力未能得出尔時於此墻
外去斯非遠有婆羅門住善識星文中夜出
旋仰觀天漢其妻持水隨後而行婆羅門告
曰汝今應知我觀星宿王遭大難辛苦非常
妻曰國家機密何用在言餘人若聞定遭刑
戮婆羅門曰我蒙庇廕元由國王王受艱辛

札二

九

我寧安隱便於中庭遙望厄星求念而住王於廁孔聞其語聲盡力投釘拔之遂出即從孔內隨糞而行不淨露身辛苦出外天星遂改時婆羅門見星改變告其妻曰王雖受苦今已得出既有性命我為幸甚王便急步潛入城中至安樂夫人處夫人倉卒見而問曰

上天無私何意如是王乃次第具向說之夫人聞已泣淚橫流即以竹篔刮去不淨先以香土遍洗次將種種香屑眾妙香水而沐浴之次拭塗香者上衣服暫時安寢以至天明於正殿坐告大臣曰諸陰陽師識星曆者皆應喚集臣即摠命王問之曰我於昨夜其事如何荅曰王夜安隱更無異事王曰於其坊有婆羅門善知星曆可喚將來即令使去至婆羅門宅報言王喚即便著衣欲赴王所其妻告曰我先已報國家機密何用在言仁不聽採今遭召問婆羅門遂觀察日辰知無惡事告其婦曰汝不須怖皆是吉祥行詣王所

王既遙見高聲唱言善來大師可相近坐婆羅門便即呪願願王壽命延長就座而坐少時停息王乃問言婆羅門汝解星曆不荅曰隨我力能薄閑多少王言大師我於昨夜其事如何荅言大王昨夜遭難非常辛苦由王福力僅尔命存王既聞已告諸臣曰如大師

說我於昨夜命幾不全諸陰陽師未閑曆筭從今已去絕其封祿媼女善賢宜將頭髮繫惡馬足踏之令死所居之宅以驢耕墾其家婢使與我洗者命入後宮令知國事時諸大臣如王所言悉皆依作王問婆羅門曰仁既憂我我得命存今欲報恩汝何所願荅言大王暫問家中來申所願王言隨意即便歸舍告家人曰王與我願隨意所須悉皆給與汝等諸人各欲何事妻曰君欲何物荅曰我欲五大聚落常為封邑妻曰若如是者我欲牯牛百頭恒供乳酪子曰我願上馬寶車而為乘馭女曰我願上妙瓔珞以寶莊嚴其婢使

禮一

十

日我願好磨香石是作食所須時婆羅門便作是念既有斯事不可直說宜作頌言從王乞願遂至王所白大王言如我家中所有求願幸容其罪得盡於詞聊作頌言以由其事我願五封邑 婦牛一百頭 子欲馬寶車女愛諸瓔珞 家中有婢使 須石用磨香

有此所願求 大王哀見與

時猛光王聞其說已還將頌荅遂其所願

與汝五封邑 婦牛一百頭 子與馬寶車

女賜諸瓔珞 家中小婢使 與好石磨香

既有此願求 悉皆令滿足

王告大臣曰隨所欲者皆可與之王語婆羅

門曰大師與我共治國事赤心相助平論萬機荅言大王我是婆羅門理不應知國家之事時王即便強立婆羅門為國大臣王之隣境名曰渴沙有相違背遂令增養持兵往伐既破彼軍多獲資物屯兵野外方欲入城王聞欲來整軍自出見渴沙少女身多癩疥問

增養曰頗有丈夫與此女兒同眠宿不荅曰非直同歡枕席終亦騎具夫昔今作馬鳴王曰豈當得有如此事耶荅曰王當日驗是時增養即將少女付與醫人汝可善治多酬藥價凡所須者我無有恪醫人為療悉皆平復次以衣服飲食隨意資養容顏可愛有異常

禮二

十一

倫是時增養遂將為女名曰星光增養告曰我若請王來宅中食汝可具諸瓔珞好自嚴身於王前現女受言教後時增養敬白王曰我之貧宅願王暫過王曰汝不請我何緣得去荅曰今即奉請明當就宅王曰善哉增養遂即廣陳盛饌具設珍著請王入宅香水沐

浴奉無價衣飯食將了清談而住時女星光遂於帷向遙擲小毬尋即褰帷報其父曰過我輒來王見少女顏貌超絕遂生染愛問增養曰此屬於誰荅言臣女問曰已與他人荅言曾未王曰何不與我荅曰王若不嫌隨意將去王即盛陳禮事娶入後宮世間常法得

新棄故不入舊聞愛著星光餘事皆廢增養
念曰此正是時往日所言即今應作問星光
曰汝能騎王背上令作馬鳴不

荅曰待我思量未知能不凡智慧女人不學
自解遂著垢衣卧破牀上王來問曰何意如
是荅言大王由天瞋我今遭禍患王曰汝曾

於天何所求願荅曰王使我父往伐渴沙當
尔之時我於天所心有祈願若父將兵降得
彼國平安歸者我若嫁時所得夫主騎其背
上令作馬鳴王今娶我豐足內人誰能為我
報其宿願凡為欲愛所牽無所不作荅曰夫
人汝之所求斯誠為我願無疾患我悉作之

彼默無語王曰汝何默然豈汝於天更有祈
願荅曰更無求願然於當時復作是念令婆
羅門大臣呪願兼使樂人彈琵琶曲王曰此
亦可得婆羅門大臣我之自有彈琵琶者比
可方求荅曰可為求之于時健陀羅國有一
商人持諸貨物至盟逝尼城遂與姪女共相

交涉既生染著情亂荒迷所有錢財悉皆費
用家人僕使隨處逃亡是時姪女見其窮匱
報言仁者我無田地耕耘復無底店與易唯
仰交遊聚集以為活命若有財貨可即持來
無即須行宜容後客荅曰我貧無物若其有
者更將何用然我於汝深生愛念且當容受

礼二

十一

勿苦相驅許我宅中始知相愛姪女曰若能
隨言皆作且容居在荅曰我悉為之

是時姪女情欲驅遣既大便已遂以棗核安
其糞上報曰汝可以齒齧去棗核彼便齧取
女即以脚踏其背脊報言貧寒物如斯惡事
因何口作汝是不淨潔人當離我去即驅出

宅其人舊業解彈琵琶即以音聲而自存活
王報增養曰汝於天作斯祈願婆羅門大臣
我自先有彈琵琶者何處可求荅曰有健陀
羅人客彈琵琶以自活命將帛掩目引入宮
中王曰當如是作王與大臣昇七重樓上遂
命大臣具說其事增養帛掩彼目引彼昇樓

于時星光著鮮白服騎王脊背淨行大臣爲王呪願琵琶發響王作馬鳴時健陀羅作如是念七重樓上寧得馬鳴應是我儔被女人所弄情發於裏乃爲歌曰
此事多相似 此事人共知 錢財皆散失 穢核汗其齒

于時手彈琵琶口誦不歌王即問曰歌辭異常有何義味彼即次第以事白王王作是念此人知我不宜住此便與五百金錢遠驅出國後時大臣諫曰凡爲國主勿被女人之所欺弄王聞內慙一無言對王命增養曰婆羅門大臣見譏於我汝頗能令其婦髡彼髮耶

禮二

十三

荅曰我試觀之便住宅中間其妻曰王被婆羅門獻直譏誚汝頗方便能令其婦髡彼髮耶荅曰無勞豫說剃後方看夫曰若能作者斯爲好事長情之婿必有長情之婦其妻即便與大臣婦共爲交好既得意已告曰夫人我之夫主極深相愛隨我索者悉皆爲作荅

曰雖有愛言豈能勝我我於夫處常得自在餘莫能過荅曰汝若於夫有自在者試髡其髮我今疑汝定不能爲荅曰但看剃竟方知能不其婦即便著故弊衣卧單牀上呻吟而住大臣問曰何意如是荅曰天神怒我報曰汝豈家貧不能酬賽令天神輩於汝生嫌隨汝所求悉皆爲作使神歡喜患苦銷除問曰汝於神處何所許耶荅曰仁先在家未有仕官國王初命我即求神今我夫主王命將去所求稱意安隱歸來當剃其頭髮供養天神自尔已來家道昌熾錢財巨富我貪受樂遂忘賽神由此慢心致令天怒我今定死何路求生天曰汝所求天便成爲我宜可聞奏悉爲辦之妻便附信報增養婦曰我夫已許悉皆爲作婦既聞知便報增養大臣之婦已附信來我夫已許待暫聞奏增養入見荅王事辦請更不疑大臣若來願知此事王曰已知不勞言囑時彼大臣來至王所白言大王我

有祈請須養天神於六月中不出庭戶願垂
恩許得遂所求王曰善哉還至宅中即便剃
髮既懷者耻不出于外其婦令使報增養婦
日頭已髡訖婦告增養增養白王王聞大喜
即令使者喚大臣來于時增養教二童子誦
其歌曲歌曰

若是端正良家女 能使丈夫隨意作

七重樓上馬鳴聲 看此大臣頭剃却

時彼大臣聞王信喚著帽而入既至王所命
坐一邊彼二童子即唱其歌曰

若是端正良家女 能使丈夫隨意作

七重樓上馬鳴聲 看此大臣頭剃却

九二

十四

其一童子即便近前脫大臣帽見無頭髮現
在朝臣撫掌大笑大臣內懷羞耻外愧於人
曲脊低顏一無言答出門而去是時增養所
爲事了便自誇誕昌言告衆曰若被女人如
是輕弄者豈有能成國家之大事王於屏處
報大臣曰卿頗有便能使增養受耻辱耶答

言大王我且觀察未知能不其姊妹子妙閑
幻術告曰大臣增養每於朝會常輕弄我汝
若能作辱彼事者即是與我除大羞耻答言
阿舅容我籌度其事如何既思量已答言髣
髴即以幻術化作廣大商旅於大糞聚化爲
房室取枯骸骨作商主婦顏容端正人所樂

觀王之國法若有大衆商旅來至城者或王
自看稅或令增養時王不出令增養受稅既
至營中間言何者是商主室彼便指示既入
室中見商主婦容儀可愛能感人心纔覩見
時即便染著報言少女若能與我同歡愛者
汝之商旅摠放稅直答言隨意報云不應晝
日可待夜中幻師即便掩畫爲夜增養共幻
女行其非法以手抱胸因並睡著幻師遂乃
解其術法是時增養抱彼枯骨卧糞聚中大
臣即去白言大王暫迂神駕賜觀增養王出
城外既至彼已彈指令覺報言增養與女野
合豈敢肉耶增養見已自念如斯調弄是王

所作我今何用如此活為寧當自死更不求
生復便念曰捨命極難我今宜去就彼尊者
大迦多演那處從求出家即行就禮白言大
德我欲出家尊者即與出家受五戒十戒已
次授近圓略教誡已令讀增一阿笈摩經時
猛光王既無增養情不能安遂令還俗如舊

安置

十五末

根本說一切有部毗奈耶雜事卷第二十一 禮二

髮英班顧面下音 娠身音 諾數各 誕但音 孩子戶上
皆天侵掠略下音 聊音逃竄亂下七 曳羊逝 餉詩食上
尚天縫達音 祿羊絢 辟亦毒上抄掠教反 襟金旋

旂下精音 名諱下許 驟上轡下音 瘦反湊七素出
反丁青 輔翊父二 字音 辜音孤俗 官闈門日 外愧
惡六下 尼創反初 狀 洪膳上平 聲 下 時 狎反胡 甲 懲
音 傲誕下上 音 告 反 坳反戶 江 恹去去 軋同 狎反魚 率 警
衛上音 廁下初 使 釘以鐵釘下上 去 庇廕上必 潛
潛上二 同 昨 非 天 倉卒下反 竹竿下必 迷 天 刮

俱反剔 香屑下先 僅渠鎮幾不上渠 踏躅徒谷
同 耕墾下音 乘馭御音 恹良刃 總渠六 羨惟
反 去 闡同音 義 窮匱位下 束 棗核上音 早 下 齧
反 魚 結 儔直流 衷中音 髡音譏誚下才 仕官下音
籌度上直 流 反 髮鬚上勿 反 又 芳 未 反 迂下音 俱
調弄上徒 反

根本說一切有部毗奈耶雜事卷第二十三 禮三

唐三藏法師義淨奉 制譯

內攝頌曰

牛護獵師死 放宮天授歸 猛光向得又

殺人聲八夢

時猛光王曾於寐後作如是念牛護太子我

乙 之六智

喪之後能有智力紹王位不我今宜可試其
智策今使喚來告言我於內宮少有勞務須
經七日汝可權時代知國事太子即便受命
監國於利非利賞罰適宜有對非者官司執
送太子見已問男女曰共相愛不答言相愛
太子聞已告諸臣曰彼既相愛何不隨情告